

PLATON E I PITO.

Noujà dal semper vive an caponera ,
 Da stè sarà ant 'l giouch , e d' esse mnà
 A spass con un bachel da na vachera ,
I Pito ch' ant l' onour a son dlicà ,
 E ca son nen bagian com 'l mond pensa ,
 Contra d' ij poulajè l' han congiurà ,
Decis d' ricupèrè l' indipendenssa ,
 E d' vive an comunion com' j' aistri osèi ,
 Ch' a mangio ant 'l granè dla providenssa.
Pr lò tutt ant-un-nen veri fratei
 Fasend i so complot da nascondion ,
 A son levasse an massa da ribei :
E l' han spedì sul camp na coumission ,
 La qual second la norma ch' a j' han daje
 Doveis portesse subit da Platon ,
Pregandlo , ch' a l' aveiss un po' agiutaje
 A fesse na repubblica deo lour ,
 Da già ch' lolì pr chiel ero d' frjaje.

Van da Platon , e là cousti oratour
 Slongand s'ò pouret-rouss con j' ale basse
 A pié la parola con calour ,
 Disend : salve , Platon..... souma portasse
 Noi-altri si da voi , tuit deputà
 Dai Pite , ch' finalment son solevasse ,
 Prechè ch' a veulo vive an librtà ,
 Parei dle grue , d'ij tourd , d' j' anie sarvaje ,
 D'ij cornajas , d' le passre e dle pondrà ;
 J' ebreo e i polajè j' han obligaje
 A forsa d' crudeltà , forsa d' patele
 (Avendne scanà tanti e peui rusiaje)
 A dè pen finalment an ciampanele ,
 A ribelesse tuti e gros e pcit ,
 Prtant salvè soa pel da ste gabele.
 Onde i vourouma un codice pr-scrit ,
 Dont ai s'io notà precise e ciaire
 Le legi , 'l pat social , e i nostri drit ;
 Pr-lò voi , gran Platon , se pur i paire ,
 I deve nen neghene sto favour ,
 'L qual a cousta a voi poc' o pavaire ;
 Voi fè loh en riand , nuffiand na fiour :
 Voi na costitussion la fè sout gamba ,
 Mentre a coustrìa a n' aut pene e sudour ;
 Se pur nostra domania l'è nen stramba ,
 Formene una republica an manera ,
 Ch' a senta 'l democrat ; o ch' a s' j' aramba.

Groupandse i baroulè con na zartiera
 Platon senssa gardeje..... O che mincion
 (Ai dis) soussi pr voi l'è na chinera :
 Ai veul pr ariussi lò d'i talenton ,
 Ai va d'i finanssiè , d'i generai ,
 D' ministr , d'i comissari , e nen d' coujon ,
 Se i veule me proget mi v' lo darai ,
 Ma pr l' esecussion , e pr capilo
 I manche d' coule testè originai.
 Scusè mssè Platon : ognun peul dilo ,
 S' la nostra rassa è bona , e s' a riussiss ;
 Anssi i tre quart dl mond peulo sostnilo ,
 Noi-ait j' avouma d' Pito ch' a stupiss
 A vdde quant savej l' han ant la gnuca ,
 Quanta robassa a l' han ant 'l cupiss !
 A son d' originai tuti da pruca ,
 Tajà pr esse intendent , esse minist ,
 E lò ch' iv' conto-sì l' è nen na cuca.
 Guardè..... senssa studiè , senssa avei vist
 Gnun leu , mac sul teatro le bataje ,
 A dvento generai , e fan i trist ;
 Mostrand 'l mondo-novo a le maraje
 Amprendo a regolè j' affè d' stat ,
 E buto 'l drit dle gent con le batiaje.
 Lesend Brtoldo a dvento diplomat :
 Lesend Guerin-meschin , minist de finanssa ;
 Fasend 'l saccagnin dvento avocat ,

Anfin poudoumo dilo con baldanssa ,
Ch' an tuta sort d' impiegh pi luminos ,
I Pito han conservà la maggioranssa.
Platon sentiend lolì tutt pensierous
Ai dis: Mia cara gent, vad a occupeme
A compileve un Codice pressious :
Intant i peule andevne e nen secheme ,
Portè la neuva ai ait , dije così ,
Ch' a l' abio la passienza d' aspeteme.
Così l' han fait , e tuti a son partì ;
Intant un messagè ven avertije
Che 'l Codice lè fait e lè finì.
I Pito a sauto d' goi , e a s' buto a rije
Criand tuti d' accord : Presto dov' elo ?
Lese j' articoul fort ; venta sentije !
A s' buto tuti ansem a scrutinelo ,
E peui esaminand a l' han trovà ,
Che lour savio un foutre coum dovrelo.
Sta Favola veul dí , ch' a venta pa
Cariesse pi d' fagott ch' un peul portene ;
E pr fè 'l cont dla speisa ant nostra ça
A venta ciamè gnun ch' vena agiutene.